

Meänkieli

Kaikila jollako oon tv-vasthaanotin häätyvät, ruottin laain mukhaan, maksaa tv-makson Radiotjänst:hiin. Tv-makson avula Ruottin Televisio, Ruottin Raatio ja Ruottin Koulutusraatio saattavat tehjä ohjelmia joihiinko yritykset eikä politiikkerit ei vaikuta. Sitä kuttuthaan public service, raatio ja tv ylheisön palveluksheen, ja antaa sulle kaikkia, niin uutisista ja dokumentääristä ko viihteesheen ja koulutuksheen.

Tv- vasthaanottimeksi räknäthään varuste joka oon tehty ette ottaa vasthaan tv-lähätyksiä, riippumatta vasthaanotinmuotoa. Esimerkkiä tv-vasthaanottimista oon tv, video, daattori jossako oon tv-kortti, digitaali tv-vasthaanotin ja dvd-peluri jollako mennee tehjä nauhotuksia. Jos sie hyyräät asunon jossako oon tv-vasthaanotin niin sie häyt maksaa tv-makson. Tv-makso ei kuulu makshoon kaapeli-, sateliitti- elikkä digitaali- tv:sheen. Se ei pella rollia mitä kanalia sie kattot elikkä jos sie hyyräät, omistat elikkä lainaat tv:n, kaikila jollako oon tv-vasthaanotin häätyvät olla matkassa ja maksaa public service:tä.

Jos sulla oon tv-vasthaanotin sie ilmoitat sen helpoimasti osoitteesheen www.radiotjanst.se. Sie saatat kansa soittaa meän asiakaspalvelhuun 0771-91 00 04 elikkä kirjottaa osotheesheen Radiotjänst Kirunassa AB, 981 80 Kiruna.

Kiitos ette maksat sinun tv-makson!

Website in English: www.radiotjanst.se/en